



Synfocity = 414

1st November, 2012

mail us at : mzsynfo@gmail.com; mizoramsynod@gmail.com - Phone - 2314648

☐ **Khawvel Sunday School Ni**

November 4 (Pathianni) hi Khawvel Sunday School Ni a ni a. Khawvel Sunday School Ni hi Dr. George W. Bailey, Tabernacle Presbyterian Church, Philadelphia Kohhran Upa rawt chhuah a ni a. Kum 1907-a World's Sunday School Association Convention Rome-a neih tumah leh kum 1910-a Washington-a Convention neih tuma an sawihona bawhzuiin Kum 1910 May 22 atang khan Khawvel Sunday School Ni hi hman tan a ni. Khawvel Sunday School Ni hmasa ber programme hi tawng chi hrang hrang za chuanga lehlil niin copy maktaduai tam tak khawvel ram hrang hrangah thawn darh a ni. Mizoramah chuan Khawvel Sunday School Ni hi kum 1944 atang khan serh tan a ni a. Kum 1949 atangin Khawvel Sunday School Ni chu Thupui neiin November Pathianni hmasa berah hman thin a ni ta a ni. Kum 2001 hma lam kha chuan Puitling leh Naupang Sunday School-te hian programme pakhat intawmin Biak Inah thupui pakhat an zirho thin a, kum 2001 hnu lam atang chuan Puitling leh Naupang Sunday School chuan thupui zir tur hrang neiin a hrangin hun an hmang ve ve ta a ni.

Mizoram Presbyterian Kohhran chuan kumin (2012)-ah hetiang hian thupui an zirho ang :

- ♦ **Puitling** - **Jonathan Edwards (1703 - 1758)** - **By Upa C. Thanga**
- ♦ **Naupang** - **Helen Keller (1880 - 1968)** - **By Lalrindiki Ralte**

Kumin-a zir tur thupuite hi www.mizoramsynod.org Download Section-ah download theiha dah a ni.

☐ **Synod Committee**

Mizoram Presbyterian Church Synod hnuaiia Committee leh Board peng hrang hrangte Synod Inkhawmpui atana inbuatsaihin an thu mek a. October 22 (Thawhtanni) khan Pension Board Committee an thu a, October 23 (Thawhlehi) khan Presbyterian Communications (PRESCOM) Board Committee an thu leh a, October 24 (Nilaini) khan Sunday School Committee an thu a, October 25 & 26 khan Synod Mission Board Committee an thu leh a, October 29 (Thawhtanni) khan Theological Education Board an thu leh a, October 30 (Thawhlehi) khan Hospital Board an thu leh a, October 31 (Nilaini) khan Pastoral Committee an thu a, vawiin (Nov. 1) hian Education Board an thu leh bawk. Department/Board Committee hrang hrang neih chhoh dan tur hetiang a ni :

- ♦ November 2 - SL & PB
- ♦ November 6 - Social Front Committee
- ♦ November 7 - Music Committee
- ♦ November 13-15 - Synod Executive Committee
- ♦ November 20-22 - Finance Committee

☐ **Synod Education Board Committee**

Mizoram Presbyterian Church Synod hnuaiia Board leh Committee hrang hrangte kum tawp rorel thutkhawm kal zelah vawiin (Nov. 1) khan Synod Education Board an thukhawm a, member 50-ah 37 an kal thei.

Synod Education Board meeting hi Synod Moderator Rev. Thangzauvan a kaihruai a, Pu Rozama Chawngthu, Board Secretary-in report a pe a. Synod Education Board-in a enkawl mek Synod Higher Secondary School, P.C. Girls' School leh Presbyterian School hrang hrangte chanchin bakah, tun hnaia Mizoram Sorkarin Deficit Mission School zirtirtute hlawh chungchangah Sixth Pay an hman ve theihna tur January ni 1, 2006 atanga fixation a siamsak chungchang thu report tel a ni. Board member ten lawmawm an tih thu an sawi.

Vawiina Education Board meeting-ah hian thu ngaihtuah tur chhawpchuah (agenda) 12 an nei a, chung zingah chuan -

1. *School din phal dilna*
2. *Presbyterian English School Sub-Committee din chungchang*
3. *Sorkar-in kohhran sikula thawktu a dah dan chungchang policy siam*
4. *Synod Higher Secondary School-a Digital Teaching Aids hman chungchang leh Synod Higher Secondary School tan Hall lian sak chungchang te a tel a*

Heng bakah hian Synod Education Board Annual Report, Synod Inkhawmpui-a theh luh tur te thlir ho a ni a, kum 2012 -2013 sum indaih lohna Additional Budget Estimate leh kum 2013 -2014 Budget Estimate te thlir ho a ni bawk. Kum 2013 -2014 chhunga Synod Higher Secondary School sum hman tur atan Rs. 36,309,500/- leh P.C. Girls' School atan Rs. 20,032,000/- ruahman a ni a. Hei hi Synod Finance Committee-ah thlen a ni ang a, Finance Committee-in a thlir hnuah Synod Executive Committee (SEC)-ah thlen leh a ni ang a, SEC Budget Session-in a remtih hnuah Synod Inkhawmpui-in a pawmpui turin pharh a ni ang.

Naktuk (November 2) hian Synod Literature & Publication Board (SL&PB) an thu ang a, November 6 (Thawhlehi)-ah Synod Social Front, November 7 (Nilaini)-ah Synod Music Committee an thu leh ang a, Synod Executive Committee (SEC) chu November 13 atanga 15 chungin an thu ang.

☐ **MSSU**

♦ Kum 2012 chhunga Sunday School kai zat report tlangpui a hnuaiia hian tarlan a ni a, heng bakah hian Bial 3 atangin report dawn a ni lo.

	2012	2011	Punna
1. Sunday School zat	901	889	12
2. Hotute	4,212	4,178	34
3. Zirtirtu	41,177	39,749	1,428
4. Zirtu	3,53,359	3,46,842	6,517
Hming ziaak zat	3,98,748	3,90,769	7,979

♦ Kum 2013-a Department hrang hrang zir tur hetiang a ni :

Department	Zir tur	Ziaktu
Puitling	Sam Bu II & III (42 - 89)	Rev. Dr. R. Lalbiakmawia
Senior	Bu Hnihna	Rev. Rosiamliana Tochwang
Sacrament		Rev. H. Zalawma & Rev. Vanlalzuata
		(Revised & enlarged by Upa Lalramthanga)

Intermediate	Bu Hnihna	Rev. L.H. Rawsea (<i>Revised & enlarged by Rev. Dr. C. Lalhlira</i>)
Junior	Bu Hnihna <i>Revised & Enlarged</i>	Upa Dr. R.L. Thanmawia
Primary	Bu Hnihna <i>Revised & Enlarged</i>	Upa R. Lalmalsawma
Beginner	Bu Hnihna	Rev. Chuauthuama (<i>Revised & enlarged by Zohmingthangi</i>)
Masihi Sangati	Tirkhote Thiltih	Rev. K. Lalhmingliana
Home Mission	Kohhran Chanchin	Rev. P.C. Pachhunga

❑ **Social Front**

November 4 (Pathianni) zan hian Model Veng Kohhranah Social Front Campaign neih a ni dawn a, Dr. Robert S. Halliday, Social Front Coordinator-in campaign hi a neihpui ang.

❑ **Synod Mission Board**

October 19 - 24 chhung khan Synod Mission Field, Bomdila, West Kameng District, Arunachal Pradesh-ah NERIST Mizo zirlaite chuan an puja chawlh lai hmang tangkaiin an mahni sensoin Work Camp an nei a, zirlai 34 (mipa 29 leh hmeichhia 5) an kal a ni. He work camp-ah hian Pastor Quarters in hnuai hmun laih te, fencing siam te, rawng hnawih leh hna tul hrang hrangte an thawk a ni.

❑ **Kristian Thalai Pawl**

♦ November 3 - 5 zan thleng hian Rullam Branch KTP Golden Jubilee lawmna neih a ni dawn a, hemi hmanpui tur hian Central KTP hruaitute Rev. Lalrinmawia, Leader leh Dr. Julie Remsangpui, Committee Member-te an kal ang a, Tv. Zosangzuala Chhangte (Soloist) in a tawiwam bawk ang.

♦ November 4 (Pathianni) zan hian Synod Moderator-in Chanmari Kohhran a tlawh dawn a, hetah hian Mizoram Synod Choir-te an zai ang.

♦ November 5 (Thawhtanni) zan hian Mizoram Synod Choir-ten Bungkawn Branch KTP an tlawh ang.

♦ November 6 (Thawhlehi) hian Reiek Bial huapin Reiek Kohhranah Leadership Training neih a ni dawn a, training neihpui tur hian Central KTP hruaitu, T. Upa Lalhruaizela leh Pu Lalnginglova Hauzel, Committee Members te an kal ang.

❑ **Synod Bookroom**

November 5 (Thawhtanni) zan hian Synod Bookroom leh Kanan Veng Branch KTP tangkawpin Literature Night an hmang dawn a, Pu Vanneihluanga, Chanmari-in thu a sawi ang a, Pu Lalniliana, Bookroom Manager-in thu tawi a sawi ang a, Tv. Lalzarmawia, Sales Promoter-in Slie Show a entir ang. Inkhawm banah Synod Bookroom bungruate man tlawm zawka lei theih turin pho chhuah a ni ang.

Synod Bookroom hian Branch hrang hrang nen tangkawpin hetiang hian Literature Night an lo buatsaih tawh thin a, man tlawm zawkin bungraw hrang hrang hralh thin a ni a,

❑ **Hruaina Eng FM Radio & TV Programme**

♦ **NOVEMBER 2 (FM Radio @ 7:30 p.m.) :**

Choir : Hnahlan Pastor Bial Zaipawl - Ka Zai Chhan, Mission Veng Bial Zaipawl - Krista Kohhran, **Thuchah :** Dr. Lalrintluanga - Thalai nun kaihruaina, **Group :** Vohbik - Ka tan lawmman, **Solo :** Rebecca Saimawii - A Lo Tawk Reng Si

♦ **NOVEMBER 4 (TV Programme @ 3:00 p.m. :**

Group/Choir/Solo : LH Hindi School - Yeshu MASHI, **Group/Choir/Solo :** Sihphir Bial - Yeshu Mashi, **Sermon :** Rev Laltharzuala - Sansar se Prem na karo, **Group/Choir/Solo :** Republic Veng Masihi Sangati - Prabhuki Prathana, **Group/Choir/Solo :** Chawnpui Vengthlang Kohhran - Mere Gunah

❑ **Susamachar Prasaran Programme**

NOVEMBER 4 (Pathianni) 5:00 pm. Hindi Gospel Programme (Susamachar Prasaran) :

Group/Choir/Solo : LH Hindi School - Yeshu MASHI, **Group/Choir/Solo :** Sihphir Bial - Yeshu Mashi, **Sermon :** Rev Laltharzuala - Sansar se Prem na karo, **Group/Choir/Solo :** Republic Veng Masihi Sangati - Prabhuki Prathana, **Group/Choir/Solo :** Chawnpui Vengthlang Kohhran - Mere Gunah

❑ **Moderator Programme**

Synod Moderator Rev. Thangzauva chuan hetiang hian kar tawpah hun a hmang ang :

November 3 (Inrinni) Zan - Upper Republic Kohhran

November 4 (Pathianni) Zan - Chanmari Kohhran

HRIATTIRNA

Synod Multipurpose Training Centre, Mission Vengthlang, Aizawl-ah a hnuai Trade-ah hian training hawn a ni leh dawn a. Dilna chu a hnuai hming ziak hnenah hian Kohhran lehkhah thil telin thelthuh theih a ni. Zir hun chhung chu 15th Jan - 15th Dec., 2013 a ni e.

1. Tailoring mipa - Seat 20
2. Tailoring hmeichhia - Seat 40
3. Shoe making, mipa - Seat 5
4. Dil theih hun chhung - November 2012
5. Interview - December 12, 2012 (10:00 a.m.)

Zir tura lakte chu thla tin stipend ₹ 500/- pek an ni ang.

Sd/-
Rev. F. Lalrinnunga
Programme Director,
Synod Multipurpose Training Centre,
Mission Vengthlang

